

**Ilay Voa Tsara Nafafy 14
Desambra 2019**

14 Asabotsy

desambra

Ary hoy izy (ilay jiolahy niara-nohomboana tamin'i Jesosy) : Jesosy ô, tsarovy aho, rehefa avy amin'ny fanjakanao Ianao. Dia hoy Jesosy taminy : Lazako aminao marina tokoa : Anio no hihaonanao amiko any Paradi-sa. Lioka 23. 42-43

Anio (7)

Lioka 23. 39-43

Jesosy dia nohomboana teo amin'ny hazofijaliana, teo anela-nelana jiolahy roa. Tamin'ny voalohany dia samy niteny ratsy Azy izy roa lahy (Matio 27. 44). Nony avy eo anefa dia niova fihetsika ny iray tamin'izy ireo. Nanaraby an'i Jesosy na nihan-tsy Azy avokoa ny olona rehetra, ny mpandalo sy ny lohando-hany ara-pivavahana, fa niaro Azy kosa ity lehilahy efa ho faty ity, izay nohelohin'ny fiarahanonina. Mihoatra noho izany aza, nanao fangatahana manaitra taminy izy, hoe : „Tsarovy aho, rehefa avy amin'ny fanjakanao Ianao”.

Nisy takelaka napetaka teo ambonin'ny hazofijaliana, na-nambara ny anton'ny nanomboana an'i Jesosy : „Ity no Mpan-jakan'ny Jiosy”. Tamin'izany i Pilato dia naneso an'i Jesosy sy ny vahoaka jiosy. Nefa io soratra nataon'i Pilato io dia nampi-tsimeoka finoana tao am-pon'ilay jiolahy ; ka takany fa mbola hiverina Jesosy, ary ho Mpanjaka, amin'izay fotoana izay.

Teo no ho eo ihany Jesosy dia niteny tamin'ilay jiolahy nire-saka taminy, hoe : „Anio no hihaonanao amiko any Paradisa”. Zava-dehibe lavitra noho izay nangatahin'ilay jiolahy no na-valin'i Jesosy azy : tsy nampanantena fotsiny Izy hoe hitsinjo azy any aorianany, na ho ela na ho haingana ; fa *anio*, hoy Izy taminy — anio tsy misy hataka andro —, dia hampidiriko any amin'ny fitoeran'ireo olon-tsambatra ianao, ary hiaraka amiko any. Nampidirin'i Jesosy amina fifandraisana mandra-kizay aminy ilay jiolahy nino, mba hanafahany azy amin'ny herin'ny ratsy mpanapotika sy amin'ny herin'ny fahafatesana.

Fananantenana toy inona re izany, ho antsika kristiana ! Ny fahafatesana dia mampiditra antsika ao amina „anio” mandrakizay : ao amin'ny „anio”-n’ny fanatrehan'i Jesosy. Ny hazofijaliana no nanjary toerana nihaonan'Ilay Mpamony amin'ny olona very sy „tsy manam-panantenana”. Teo no na-noloran'i Jesosy ho azy ireo ny famelan-keloka tena izy, ao anatin'ny fahazavana feno omen'ny fahamarinan'Andriama-nitra.